

**KJKP "RAD" d.o.o. SARAJEVO**  
**-DIREKTOR-**

**Broj: 05-03-04- /18**  
**Sarajevo, 01.06.2018. godine**

Na osnovu člana 70. Zakona o javnim nabavkama ("Službeni glasnik BiH", broj 39/14) i člana 47. Statuta KJKP "RAD" d.o.o. Sarajevo, direktor Preduzeća donosi:

**O D L U K U**  
**o izboru najpovoljnijeg ponuđača za nabavku samohodnog električnog usisivača za sakupljanje otpada na ulicama**

**I**

Najpovoljniji ponuđača za nabavku samohodnog električnog usisivača za sakupljanje otpada na ulicama je firma "**Horizont**" d.o.o. Sarajevo.

**O B R A Z L O Ž E N J E**

KJKP "RAD" je dana 09.05.2018. godine na Portalu javnih nabavki BiH objavilo Obavještenje o nabavci broj 83-1-1-193-3-105/18 sa objavom kroz otvoreni postupak za izbor najpovoljnijeg ponuđača za nabavku samohodnog električnog usisivača za sakupljanje otpada na ulicama, sa rokom dostave ponuda do 30.05.2018. godine.

Po pokrenutom postupku za nabavku samohodnog električnog usisivača za sakupljanje otpada na ulicama pristigle su dvije (2) ponude i to ponuda firmi: "**O-K-Teh**" d.o.o. Zagreb i „**Horizont**“ d.o.o. Sarajevo.

Komisija za nabavku u toku provođenja otvorenog postupka i nakon detaljnog pregleda dostavljene dokumentacije utvrdila sljedeće:

- Ponuđač **O-K-Teh d.o.o. Zagreb** nije dostavio svu potrebnu dokumentaciju i to sljedeća dokumenta: Izjave po članu 47. i 52., Nacrt ugovora, potvrdu Hrvatske centralne banke kao i izvod iz sudskog registra, te je ova ponuda ocjenjena kao **nepotpuna i neprihvatljiva**.
- Ponuđač **Horizont d.o.o. Sarajevo** je dostavio svu potrebnu dokumentaciju i ponudio cijenu u iznosu od : 89.400,00 KM bez PDV-a, te je ova ponuda ocjenjena kao **potpuna i prihvatljiva**.

Obzirom da se radi o otvorenom postupku javne nabavke kojim nije predviđeno sklapanje Okvirnog sporazuma a da je broj prihvatljivih ponuda jedan (1), te da je predmetna nabavka neophodna i hitna za potrebe održavanja javne higijene u Kantonu Sarajevo, a za čiju nabavku Ugovorni organ može obezbjediti dodatna sredstva , Komisija daje preporuku Ugovornom organu da u skladu sa članom 69. stav 1. tačka a) Zakona o javnim nabavkama BIH prihvati ponudu ponuđača „**Horizont**“ d.o.o. Sarajevo kao potpunu i prihvatljivu, budući da je dostavio svu potrebnu dokumentaciju te ponudio cijenu u iznosu **od 89.400,00 KM bez uračunatog PDV-a**.

Smatram da je Komisija pravilno postupila kada je uzela u obzir gore navedene kriterije i kada je predložila ponudu gore navedenog ponuđača kao potpuno prihvatljivu. Iz tih razloga prihvatam prijedlog Komisije i donosim odluku kao u dispozitivu.

**Pouka o pravnom lijeku:** Protiv ove Odluke može se uložiti žalba Ugovornom organu, odnosno KJKP "RAD" d.o.o. Sarajevo, u pisanoj formi u roku od 5 (pet) dana od dana prijema ove Odluke.

**DIREKTOR KJKP „RAD“ d.o.o. Sarajevo**  
Selim Babić dipl.ing.građ

**DOSTAVITI:**

- Ponuđačima;
- Direktor;
- Komercijalnoj službi;
- a/a;